

Visoki predstavnik uzasnut nasiljem u Trebinju

Visoki predstavnik, Wolfgang Petritsch, najostrije osudjuje danasnju provalu nasilja u Trebinju do koje je doslo prije pocetka ceremonije polaganja kamena temeljca Osman Pasine dzamije. Specijalni izaslanik Ureda visokog predstavnika u Trebinju, Daniel Ruiz, tom je prilikom povrijedjen, a svecana je ceremonija morala biti odgodjena.

“Uzasnut sam cinjenicom da ni pet godina nakon rata, tolerancija i postivanje razlicitih vjera u Bosni i Hercegovini jos uvijek nisu postali normalna pojava,” rekao je Visoki predstavnik. “Takva manifestacija neciviliziranog i brutalnog ponasanja potpuno je neprihvatljiva i sramna za Republika Srpska.”

Vjerske slobode spadaju u osnovna ljudska prava i zajamcene su medjunarodnim pravom i Ustavom Bosne i Hercegovine. Oni koje se tim pravima protive protive se i Daytonskom mirovnom procesu.

U povodu ceremonije polaganja kamena temeljca trebinjske dzamije okupili su se brojni gradjani kao i domaci i medjunarodni zvanicnici, medju kojima su bili i clanovi Predsjednistva BiH Beriz Belkic i Karlo Filipovic, zamjenik specijalnog predstavnika generalnog sekretara UN-a Julian Harston, njemacki ambasador u BiH Hans Jochen Peters, ambasador Colin Munro, sef OHR-ovog regionalnog ureda Jug, i ambasador Valerie Sluijter, sef Radne grupe za povratak i obnovu.

Pomenuta ceremonija nije mogla poceti jer je neprijateljski raspolozena grupa gradjana, medju kojima i neki koji su mahali crnim zastavama, pocela dovikivati pogrde i bacati kamenje na ucesnike ceremonije. Vecina ucesnika uspjela se skloniti u

obliznji Centar Islamske zajednice, dok je specijalni izaslanik OHR-a u Trebinju, Daniel Ruiz, međjutim pretrpio lakse povrede kada su ga napala tri demonstranta. Visoki predstavnik, uz zelje za brzim oporavkom, porucuje gospodinu Danielu Ruizu da ce i dalje pruzati podrsku njegovim naporima na provedbi Mirovnog sporazuma u tom dijelu istocne Hercegovine.

Medjunarodne policijske snage Misije UN-a u BiH preispitace ocigledno pasivnu ulogu lokalne policije tokom danasnjega dana. Visoki predstavnik ocekuje od lokalne policije da provede detaljnu istragu o pomenutom incidentu, kao i to da pocinioci danasnjeg nasilja budu izvedeni pred sud.

Visoki predstavnik urgira vlasti Republike Srpske da osude danasnji incident i da se zalazu za red i mir, te za postovanje razlicitih vjera. S obzirom na to da je za ponedjeljak zakazana svecana ceremonija polaganja kamena temeljca Ferhadija dzamije u Banja Luci, Visoki predstavnik apelira na sve gradjane da pokazu postovanje za taj dostojanstveni dogadjaj, a od vlasti ocekuje da se pobrinu za sigurnost svih ucesnika.